

vindicta, quia nec cruciabatur injuria : non eum zelus fecit immoderatus accensum, nec pietas reddidit inordinata remissum. Sic sic illatam discretus ulti injuriam, et non remissus indulxit, et non sæviens vindicavit. Tu quoque, venerabilis soror, et domina, hujus imitare sancti regis exemplum, ut pietatis simul atque justitiae nunquam deseras institutum. Ita tamen, ut juxta apostolicum præceptum, superexalte misericordia **419** judicium (*Jac. ii*) ; et sic omnis judicii tui calculus ad omnipotentis Dei gloriam tendat ; quatenus expleto commissi villicatus officio, **420** qui tuum tenet nunc in suis manibus spiritum, de terreno te ad cœlestis gloriae provehat principatum.

A Monasterium præterea Fructuariense, tanquam vere thalamum Jesu, tuæ magis ac magis commendo custodiam : cui quæso, ita pervigiles tuitionis tuæ depende semper excubias, **420** ut per te cœlestis ille sponsus tuus in eo suaviter requiescat. Omnipotens Deus te ac tuos regiæ scilicet indolis, filios benedicat, eosque non modo ad ætatis, sed etiam sanitatis incrementa perducat. Dominus autem Adraldus Bremerensis rector cœnobii, vir videlicet religiosus et prudens, ex me per te officiosissime salutetur. Qui si vult, ut sibi quoque aliquid scribam, scribendo præcipiat.

*Sit nomen Domini benedictum.*

## 421-422 OPUSCULUM DECIMUM NONUM.

### DE ABDICATIONE EPISCOPATUS. AD NICOLAUM II ROM. PONT.

**ARGUMENTUM.** — Orat pontificem summum, suppliciterque obsecrat, ut sibi episcopatus onus deponere permittat : causas præcipuas affert, quod senior sit, et idcirco quieti magis quam laboribus idoneus ; quod illud laboriosum munus non sponte, sed coactus suscepit, et denique quod propter sua peccata, ut ipse inquit, indigens sit, qui in tam excelso honoris et dignitatis fastigio sedeat. Licere autem, si ita tempus aut ratio postulet, episcopatu se abdicare, plurimis sanctorum virorum et exemplis et auctoritatibus comprehensum. In fine Deum precatur, ut eam pontifici mentem det, qua suis votis satisfaciat.

Domino suo NICOLAO universalipapæ, PETRUS peccator monachus servitum.

Sacramentum Spiritus sancti vestrum pectus agnoscit, quia nisi me tunc necessitas apostolicae sedis impelleat, et antiqua, quam jamdudum circa vos habueram, charitas invitaret, post sanctæ memorie domini Stephani, vestri quidem successoris, mei autem persecutoris, obitum, ego a me protinus episcopatum non canonice traditum, sed violenter injectum funditus abscedisse. Meministis enim, domine mihi, quot querelas coram vobis sæpe deposui, quot geminitus, quot denique profunda suspiria ex imis visceribus traxi, quoties etiam uberibus lacrymis tristia ora rigavi. Veruntamen apud vos tunc non obtinui missionem, quia Romanæ Ecclesiæ, quæ ruinam minari videbatur, id utilitas non poscebat. Nunc autem te in sagena Petri clavum regente, sub tranquilla pace tota Christi gratulatur Ecclesia. Ventorum quippe se turbines reprimunt, procellarum spumantium volumina conquiescunt, mitescunt maria, totaque videtur cœli serenitas innovata. Cum igitur sub sancto pontificatu vestro jucunda pace universalis Ecclesia potiatur, canis meis, et grandevæ jamjam senectuti, quæso, requies non negetur. Quapropter ob remissionem omnium peccatorum meorum, quæ nequierer perpetravi, cedo jure episcopatus, et per hunc annulum (virgam enim tulisti) desperata deinceps omni repetendi querela, renuntio : utrumque etiam vobis monasterium redbo : et, ut quiescendi municipium veterano et merito militi permittatur, imploro.

### CAPUT PRIMUM.

*Probatur exemplis posse dimitti episcopatum.*

Hic mihi fortassis objicitur, semel acceptum dimitti regimen non licere. Ad quod breviter dico quod sentio; quia plerique pontificatus jura non deserunt, et de sinistris sunt ; quotquot autem legitimus recta intentione dimisisse, certa spes est eos de æterna cum Christo societate gaudere. Neque tamen haec dicimus, ut passim deseriri episcopatum liceat, nisi videlicet id fieri necessitas, sive rationalis quælibet causa depositat.

Enimvero B. Valerius episcopus dum sibi providit successorem, magnum Augustinum Hippontensi Ecclesiæ inthronizat antistitem.

Lucidus Ficocensis episcopus dum propinquum sibi obitum imminentem cognoscit, ad cœnobialis portum convolat ordinis, ac sacerdotalis insulas dignitatis monachicis mutat induvis. Et, ut noveris quid sibi conversio ista contulerit, sicut authentica registri testatur historia, sub ipso migrantis obitu Spiritus sancti gratia lætissimo relucebat in vultu. Cui nimirum, et antequam moreretur, beatus apostolus Andreas apparuit, et qua hora migraturus esset ex corpore nunciavit.

Quid B. Adelbertum martyrem dicam? Qui nimirum quoniam Bohemiensis Ecclesiæ postposuit cathedram, monachum induens, triumphalem mariyri meruit invenire coronam.

Utique ex industria de ceteris scilicet quidam sanctus pœnitens, cuius me ad præsens vocabulum **423** fugit, apud Gallias iam ante septenium fere

episcopatu dimisso, tandem angelo visitante præci-  
pit, ut ad episcopatum redeat; sed recusat, donec  
admonente eodem angelo, beatus advenit sub cele-  
ritate Remigius. Sic itaque ne deceptio potuisset  
forte subripere, etiam tuta formidans, humano cessit  
imperio, qui ad angelicum prius oraculum rigidus  
stetit.

Episcopus etiam ille Sabinensis, qui solium pon-  
tificale deseruit, et Farsense monasterium, con-  
tempta sacerdotali dignitate, construxit; quam  
nobilis in Christo vir fuerit, testis est antiqua tra-  
ditio, quæ sanctitatis ejus insignia celebrat; testis  
moderna devotio, quæ piam ejus memoriam in bene-  
dictione frequentat. Quanti scilicet et prius, et  
postmodum in eadem sede usque ad vitæ terminum  
perdurarunt, et tam operosum fructum Deo nulla-  
tenus attulerunt.

Nec te, felix Bonite, præteream, qui hac duntaxat  
occasione percepta, quoniam de manu regis, laici  
videlicet hominis, traditionem Ecclesiæ te suscepisse  
contigerat, cathedram contempsisti, atque ad remo-  
tioris vitæ custodiam te protinus contulisti.

Venerabilis quoque Gaudentius Apsarenensis episco-  
pus, cuius ego familiaritatis dulcedinem merui, per  
quem Deus jam non ignobile miraculum fecerat,  
episcopatum dimisit, et de Selavonico regno navi-  
gans, littoribus Anconitanæ urbis applicuit, a qua  
non longe post biennium feliciter obiit.

Nam et Paulinus Nolanae præsul Ecclesiæ, ut quæ-  
renti filium viduæ subveniret, ministerium-pontifi-  
cale depositum, seseque tyranno cùdam tanquam vile  
mancipium subjugavit.

In ecclesiastica porro, quam Romanus quidam  
scriniarius scribit, historia, legisse me memini, Mar-  
tyrium Antiochenum episcopum propter dissidentis  
inobedientiam populi, cathedram dimisisse, ubi sic  
dicitur: Rediens, inquit, Martyrius Antiochiam, et  
inveniens populos dissidentes, Zenonemque his  
faventem, coram Ecclesia abrenuntiavit episcopatu, D  
dicens: Clero non subdito, et populo dissidenti, et  
Ecclesiæ squalenti abrenuntio, servans mihi met sa-  
cerdotii dignitatem. Ubi etiam illud invenitur inser-  
tum, quod Appio quidam patricius, qui imperante  
imperio Anastasio, in Nicæna civitate presbyter fuerat  
per violentiam consecratus, quoniam prudens erat,  
ex decreto piissimi imperatoris Justini, qui Anastas-  
io in scepta successerat, factus est præfectus præ-  
torii. Sic nimurum, sic imperiali fuit pietate cor-  
rectum, quod sub tyrannica fuerat tempestate præ-  
sumptum. Quod profecto idcirco referendum duxi,  
ut quoniam et ipse violenter attractus sum, hinc  
valeat colligi, quid etiam super me digne debeat ex  
antiquæ auctoritatis imitatione decerni. Quanquam  
et alterius videatur esse negotii definire, utrum hoc,  
quod ille de presbytero præfectus prætorii factus  
est, auctoritati, an præjudicio debeat imputari.

#### 424 CAPUT II.

*Quid de dimittendo episcopatu B. Gregorius sentiat.*

Porro autem beatus papa Gregorius, si necessitas

PATROL. CXLV

A videretur exigere, nullatenus prohibebat episcopos  
ab injuncta sibi dignitate cessare. Cujus registri  
tantummodo titulum nobis sufficiat adnotare, ne  
judicemus epistolam laciniosa prolixitate distendere.  
Ait enim is qui registri volumen explicuit (*lib. ix,*  
*ep. 41*). Pontificibus, inquit, voluntarie suis renun-  
tiabitibus sedibus successores Gregorius nullo modo  
denegabat, eosque postmodum de redditibus relictæ  
Ecclesiæ sufficienter nutriendos esse censebat; et  
reliqua, quæ illic latius subnectuntur. Hinc est enim,  
quod idem præsul insignis de episcopo primæ Justi-  
nianæ, qui capitis ægritudinem patiebatur, hanc  
promulgat prælata disceptatione sententiam: Si vero,  
inquit, reverentissimus Joannes fortasse pro mo-  
lestia sua petierit, ut ab episcopatus honore de-  
beat vacare, eo petitionem scripto dante, conceden-  
dum est.

Porro et B. Hieronymus, dum de otioso Ecclesiæ  
rectore tractaret, adiecit: Illico, inquit, indignantis  
Domini responsione ferietur: « Serve nequam,  
quare non dedisti pecuniam meam ad mensam, ut  
ego veniens, cum usuris exegisset illam? » (*Luc. xix.*)  
Quod doctor protinus exponens, ait: Id est, depo-  
suisse ad altare, quod ferre non poteras. Dum  
enim tu ignavus negotiator denarium tenes, alte-  
rius locum, qui pecuniam duplicare poterat, occu-  
pasti.

Quid referam Lugdunensem episcopum, vita et  
vocabulo Justum, qui commissum sibi pontificatus  
officium et laudabiliter rexerat, et non sine laude de-  
seruit? Plane abreptius quidam in tantam furiosæ  
mentis prorupit insaniam, ut obvios quosque vio-  
lentus impeteret, verberum collisione mactaret,  
plerisque membræ præcideret, mortem postremo  
nonnullis inferret. Hic aliquando plurimis insectan-  
tibus, Ecclesiæ forces irrupit, seque tueri cœpit. Nam  
tunc eum necessitas edocebat ad eorū redire, cum  
jam cogebatur a vita discedere; ecce sacerdos san-  
ctus concitus ad ista prosilit; ei Ecclesiæ consugium  
pelenti se defensor objecit. Ii vero, quorum propin  
qui vel extincti fuerant, vel truncati, vehementer  
instabant, et reum ad supplicia importuna consti-  
patione quærebant. Quid plura? Tandem ad hoc  
perventum est, ut pius pontifex satisdatione suscepta  
ne reus mortis morti succumberet, quasi pro sa-  
tisfactione victoriae, eorum hunc manibus tradidis-  
set [*f. traderet,;*]; sed mox ut in eorum potestatem  
devenit, extinctus interiit. Protinus vir Dei tan-  
quam si ipse hujus homicidii auctor esset, pave-  
factus intrenuit, Ecclesiam dimisit, et in Ægypti  
partibus postmodum eremiticam vitam duxit. Illoc  
nimurum ita litteris tradidi, ut servus Dei dominus  
Stephanus, qui vestris assistit aspectibus, inti-  
mavit.

Petrus etiam archiepiscopus Ravennatem dimisit  
Ecclesiam, cui mox adhuc superstiti Honestus, pri-  
mo videlicet Ottone habenas imperii gubernante,  
successit.

425 Enimvero et insignis ille Gregorius Nazian-

zenus, qui ab historiographis Deiloquus appellatur, Constantinopolitanam Ecclesiam contempsisse, imperante religioso, atque catholico principe Theodosio, traditur. Quod si nobis forte non creditur, ipsius hic historiae verba ponantur: Sancta, inquit, synodus Gregorio Deiloquo episcopatum Constantinopoleos roboravit, et hunc invitum in throno locavit, utpote multum laborantem, et urbem a laesione haereseon liberantem. Cumque didicisset, quosdam ex Aegypto sapientissimus ei beatissimus iste huic rei invidere, compotorio sermone ostendo, spontanee a throno regnantis urbis abscessit. Quo thronum refutante, Nectarium imperator, et synodus provehit. Haec perro non nostra, sed ipsius historiae verba sunt.

## CAPUT III.

*Quod animae gehennæ suppliciis traditæ, Dominicis diebus refrigerio potiuntur.*

Illud etiam, quod Humberti archiepiscopi, summæ videlicet auctoritatis viri, narratione cognovi. silentio tradendum esse non arbitror. Nam cum a finibus reverteretur Apuliæ, asserebat in regionibus quæ Putcolis adjacent, inter aquas nigras et fetidas, promontorium eminere saxosum et scruposum. Ex quibus videlicet exhalantibus aquis consueto more tetricimæ videntur aviculae repente consurgere, et a vespertina Salbati hora usque ad ortum secundæ feriae, solitæ sunt humanis aspectibus apparere. Quo adulti temporis spatio videntur hinc inde per montem: elut solutæ vinculis libere spatiari. Alas extendunt, plumas rostro prosequente depecent, et in quantum datur intelligi, concessa ad tempus refrigerii se tranquillitate resolvunt. Quæ profecto volueres nec unquam videntur vesci, nec quolibet ancupis valent ingenio capi.

Diluciente igitur matutina secundæ feriae hora, ecce magnus ad instar vulturis corvus post præfatas aviculas incipit concava gutture graviter crocitare. Illæ protinus sese aquis immargentib; abscondunt, nec ultra videndas se humanis oculis offerunt, donec advesperante jam Sabbati die, de sulphurei stagni voragine rursus emergunt. Unde nonnulli perhibent eas hominum esse animas ultricibus gehennæ suppliciis deputatas. Quæ nimurum reliquo tolius hebdomadæ tempore cruciantur, Dominico autem die cum adjacentibus ultiro citroque noctibus, pro Dominicæ resurrectionis gloria, refrigerio potiuntur. Cui scilicet assertioni etiam Prudentius nobilis versificator in hymnorum suorum opusculis attestatur. Sed cum hæc de aviculis, et corvo inter aquas nigras aliquando apparentibus, aliquando se abscondentibus, in pagina digessisse, religiosus Casinensis monasterii abbas Desiderius advenit, seseque rem sic habere funditus abnegavit. Cumque illum, et Humbertum, meum videlicet relatorem, in mutua colloquia deduxisset, Humbertus ait: Ego quidem hujus allegationis testimonium non defendo, verum tamen hoc simpliciter retuli, 426 quod ab accolis

A illius audivi. Sed quoniam personæ istæ, Desiderius videlicet et Humbertus, tantæ auctoritatis sint ut neutri eorum fides debeat denegari, ego quoque, quod scripsi, procaciter non affirmo, sed utrum verum sit necne, legentum inquisitioni relinquendum esse decreno.

Ut igitur illud inferam, propter quod ista præmisi, episcopus, qui tamen; si recte teneo, Capræs præerat, vidit majorem Benedictum papam, qui jam obierat, nigro equo quasi corporaliter insidentem. Cumque illum cœptum iter carpere cerneret, Illeus, inquit, nonne tu es papa Benedictus, quem defunctum liquido novimus? Ipse, inquit, infelix ego sum. Et ille: Quomodo tibi est, Pater? Gravibus, ait, tormentis afficiar, spe tamen; si adjutorium præbeatur, de B mea recuperatione non privor; sed perge, quæso, ad fratrem meum Joannem, qui nunc apostolicam occupat sedem, eique mea functus legatione denuntia, ut illam potissimum summam, quæ in talitheca reconditur, in pauperes pro mea salute distribuat; sieque me redimendum esse, quandocunque tamen hoc decrevit misericordia divina, cognoscat. Nam cætera, quæ pro me sunt indigentibus tradita, mihi nihil penitus prosuerunt, quia de rapinis sunt et injustitiis acquisita. His igitur auditis, episcopus Romanus impiger adiit, Joanni papæ defuncti fratri verba narravit, episcopalis mox sarcinæ pondus abjecit, monachum induit, eoque modo salutem sibi ex aliena calamitate providit.

De æquivoquo quoque ejusdem Benedicti papæ (11) G atque nepote, qui post eum tertius, Joanni secundus in Romanæ sedis invasione successit, idem mihi narravit Humbertus; quia vassus quidam dum iter ageret, accidit ut juxta molendinum equo insidens petransiret; ecce repente monstrum immanc conspexit, quo viso subitus eum terror invasit, et stupefactus intremuit. Videbatur autem monstrum illud in aures duntaxat aselli caudamque desinere, cætera ursus erat. Cumque viator ad hoc portentum territus obrigesceret, fugamque præcipitem formidolosus iniret, informe prodigiū humanae vocis verba formavit: Noli, inquit, o vir, expavescere; hominem me olim suisse, sicut et ipse nunc es, procul dubio crede; sed quia bestialiter vixi, post vitæ finem bestiæ perferre speciem merui. Porro cum ille perquireret, quis fuisset: Ego, ait, ille solo nomine Benedictus fui, qui nuper apostolicæ sedis apicem indignus obtinui. Inquisitus autem, quid jam retributionis haberet: Nunc quidem, inquit, usque ad judicii diem per dumosa, atque squalentia, per sulphurea loca, et fetores exhalantia, atque incendiis conflagrata, rapior et pertrahor; post extremum vero judicium, corpus meum simul ei animam irremediabilis cruciatus, et gehennalis barathri me irrevocabilis olla deglutiet, ita ut nulla mihi recuperationis spes in posterum restet. Post hæc vero, et hujusmodi verba disparuit. Sed cum ego, cur ille

(11) Eius nominis undecimi.

in hac specie conspectus sit, indaginem quero, non deesse mysterium ab eo quod visum est, deprehendo. Nam quia miserabilis ille ab ipso funestus pontificatus sui primordio **427** usque ad finem vitae in luxuriæ cœno versatus est, non incongrue visus est, et ab auribus incipere, et in caudam asini terminare. Asinus quippe luxuriosum est animal, sicut propheta designat cum de carnis immunditiae deditis, ait: « Ut carnes asinorum, carnes eorum (*Ezech. xxiii*). » Qued autem pér cætera membra ursi tenebat speciem, vitam in omnibus docetar duxisse carnalem. Nam, sicut a physicis traditur, ursa cum parit, non cœtulum, juxta consuetudinem bestiarum, sed frustum carnis effundit: mox quod effusum est, crebrius lingendo et lambendo componit, sicque ad sui similitudinem lingua formante, producit (*Plix. lib. viii, cap. 56*). Jure igitur qui luxuriose, et carnaliter vixit, in asini simul et ursi figura comparuit. Cui nimirum quis non videat quanto melius fuerat, ut episcopatum deserens, pœnitentiam ageret, quam in eo usque ad vitæ terminum perseverans, veram vitam funditus perdisse?

## CAPUT IV.

*De monacho, qui damnatus in inferno, postea liberatus est.*

Sed quia hoc triste prætulimus, aliud pietatis divinae miraculum, quod nimirum luctos habuit exitus ex ejusdem Humberti narrationibus subnectamus.

In monasterio, inquit, B. Silvestri, quod in Urbinate constitutum est territorio, quidam monachus obiit, et ab incipiente gallicinii nocturnalis articulo, usque ad secundam diei horam cadaver examine, lotum juxta morem, atque constrictum, fratribus circumquaque psallentibus, in feretro jacuit. Cumque transactis jam missarum ex majori parte solemnissimis, *Agnus Dei*, juxta regulam diceretur, ecce repente, qui mortuus jacebat in medio, anima redeunte, surrexit. Stupefacti sunt fratres, et nova nimis admiratione perterriti: nimirum quem funeris officium persolventes extulerant, nunc vitalem spiritum recepisse videbant. At cum propius accessissent, verbaque ex ore illius audire avidius inhiarent: Ah scelus! ille maledicta, et contumelias in Deum cœpit effundere, benedictum Salvatoris nomen impie blasphemare, vivisca crucis signum, ut oscularetur, oblatum, sacrilego ore conspuere; intemerata quoque Dei Genitricem ignoniūsis non timebat opprobriis lacerare. Ut quid, inquiens, pro me psallitis, vel sacrificiorum hostias offerre tentatis? Ego enim in ipsa flammantis tartari profunda descendit, ibique me meus magister, et dominus Lucifer irrevocabiliter deputavit; coronam plane suam æream inextinguibili semper ardore candentem, mihi in capite posuit: ejusdem quoque metalli chlamyde me, qua induebatur ipse, vestivit. Erat autem chlamys tam longa, ut talo tenus fluaret; tam ferventer ignita, ut liquefacta guttas emittere videtur. Cumque fratres eum, ut pœnitentiam ageret,

**A** atque ut occulta sua in medium proferret, unanimiter hortarentur, ille anathematizabat et blasphemabat: et non solum pœnitentiæ remedium, sed et omnia redēptionis nostræ mysteria ore rabido atque **428** sacrilego condemuabat. Monachi vero ad semper victoria orationis arma pio studio recurrentes, cœperunt, abjectis indumentis, corpora sua scopis allidere, pugnis pectora tundere, psalmodiæ atque omnium, quibus valebant, precum generibus insudare. Cunctis itaque fratribus in luctuosis orationibus et jejunio constitutis, ac sub divinæ pietatis exspectatione suspensis, tandem supernæ virtutis splendor emicuit. Ecce enim desperatus ille, et voragine maris hiantis absorptus, ad superficiem rediit: Dei quippe Salvatoris omnipotentiam laudat, **B** nequissimis Satanæ ludificationibus abrenuntiat, crux adorat, pœnitentiam flagitat. Confessus est autem, quia post renuntiationem sæculi, in fornicationem cecidit, quam tamen eotenus nulli penitus per confessionis indicium patescet. Laudans igitur, et benedicens Deum usque in diem alterum vixit, sicque Creatori suo mirabiliter restitutus, in sancta de hoc sæculo confessione migravit. Sic sic nimirum ternæ orationis fructus cœloruit, quæ videlicet oratio ex ipsis gehennæ visceribus prædam raphil, et de flamarum stipula in structura supernæ Hierusalem Iapidem vivum posuit. Hæc mihi Humbertus archiepiscopus retulit, cuius nimirum verba velut apostolica videntur veritate fundata.

## CAPUT V.

*Quod episcopatus sit arduum manus.*

Si ergo ille, qui in monachatu ceciderat, quique de sola sua anima rationem debebat, tanta terribili meruit sententia condemnari; qua mente securus est quilibet mei similis indignus episcopus, qui nimis tot est animarum reus, quot per ejus negligit, seu prava exempla depereunt? Cum constet fuisse nonnullos, pro levi etiam quolibet impedimento, episcopali régimine sponte nudatos, ex quibus hic unum sufficiat inseri, quem profecto in ea, quam Cassiodorus de Græco in Latinum transfert, historia promptum est reperire, cuius hic historiæ nuda duntaxat verba conscribimus, ut dubietatis scrupulam ambigentibus auferamus.

**D** Silvanus, inquit, rhetor fuit prius Troili sophistæ discipulus, et ad perfectum Christianus, vitamque monachicam diligens. Is enim doctoris pallio utili despexit. Quem post hæc Atticus episcopus comprehendens, episcopum Philippopolis ordinavit. At ille tribus annis in Thracia degens, nec frigora ferre valens, cum haberet corpus valde debile atque subtile, rogavit Atticum ut eum in locum alium constitueret, dicens, non ob aliam causam, nisi propter frigus ea se loca vitare. Cumque alter pro eo tuisset ordinatus, mansit Silvanus Constantinopoli, vitam monachicam perfectè custodiens: tantumque s. ne ulla fuit arrogantia, ut plerumque in tanta multitudine civitatis cum soleis despectus procederet. Quodam vero tempore prætereunte, Trojanæ præsul

Ecclesiae moritur, Trojanique venerunt petentes episcoquum. Cumque cogitaret Atticus, quem ordinare deberet, subito contigit ad eum salutandum **429** venire Silvanum. At ille videns eum, mox cogitare cessavit. Tunc ad Silvanum: Non habes, inquit, ulterius occasionem, pro qua ecclesiasticas curas possis effugere. Troja namque non habet frigus, sed ecce apparatus est tuo corpori opportunus a Deo locus; præpara ergo temetipsum, et ad Trojam continuo proficiscere. Migrat ergo Silvanus.

Verum si quis hunc fortasse temeritatis accuset, eumque pro solo frigore commissum regimen contempsisse, atque pro corporis commoditate ad aliud demigrasse condemnet, audiat post hæc insigne per eum claruisse miraculum, et sic saltem livido reprehensionis morsu lacerare desinat justum. Sic enim subjungit historia: Quo facto, miraculum quod inter manus ejus accesserit enarrabo. Navis maxima, quæ grandes columnas devexit, nuper in littore Trojano fabricabatur; cumque eam ad mare ducere voluissent, multis funibus, atque populo trahente, nullatenus movebatur. Quod dum plurimis diebus ageretur, suspiciati sunt navem a dæmonio retineri. Tunc ad Silvanum venientes episcopum, rogaverunt eum, ut in eo loco daret orationem, credentes hoc modo [*deest ibi posse, vel aliquid ejusmodi*] trahi navem. At ille humili sermone dicebat se esse peccatorem, asserens hoc opus alicius esse justi, non suum. Quem dum rogassent, venit ad littus, factaque oratione, tetigit unum fūnem, jubens ut insisterent operi cum labore. Tunc illis breviter impellentibus, cursim navis ad mare processit. Hoc miraculum reverentiam illius viri cunctos fecit habere provinciales. Enimvero si episcopatum dimittendo, atque ad alium commigrando Silvanus iste peccasset, non in ostensa signi virtute mirabilis, sed reatu potius miscrabilis videatur. Virtus ergo miraculi testimonium perhibuit sanctitati. Porro autem, si episcopatum, ut dicitur, nulla licet ratione dimittere, quid est; quod tot sancti pontifices per historiarum passim quæque volumina reperiuntur de suis se Ecclesiis ad alias transtulisse, cum profecto suas ante relinquerent quam ad reliquias transmigrarent? Quorum plerique cum commissum regimen spernerent, ad aliud se transituros adhuc funditus ignorabant.

Et certe ipsa ratio docet, minus esse cum simpliciter ab episcopatu desistitor, quam cum ex uno ad alium transmigratur. Non igitur ab eo me cohibebit moderna versutia, ad quod venerabilium Patrum cohortantur exempla. Enimvero, si beatus ille Silvanus propter solum corporis frigus episcopatum sine reprehensione deseruit; cur ego, spreto pastorali regimine, transgressionis arguar, qui quotidie curarum sæcularium negotiis irretitus, a divini amoris fervore tepesco, et lethiferum torpentis animæ frigus incurro? dicente Scriptura: « Sicut frigidam facit cisterna aquam, sic frigidam facit

A malitia animam (*Jer. vi*). » Memini enim sæpe me ita divini amoris igne succensum, ut optarem protinus claustra carnis effringere, et quasi de cœno solutus, et carceralibus tenebris, ad æternitatis lumen medullitus anhelare. Erat enim mihi tunc, sicut per prophetam Dominus pollicetur, cor carneum, sive ut mihi videbatur, cereum (*Ezech. xi*). Quod nimirum desiderii cœlestis afflatum **430** flamma liqueceret, et uberibus lacrymis flebilis frequenter ora rigaret. Horrebam audire, quanto magis ore proferre, quidquid non provocabat ad Christum, omnesque nugas sive næniæ verborum sæcularium velut rictus canum, sive morsus serpentium deputabam. Sæpe cernebam præsentissimo mentis intuitu Christum clavis affixum, in cruce pendentem, avidusque suspiciebam stillantem supposito ore cruentum. Porro si nitar apicibus tradere quidquid mihi contemplari dabatur, vel de sacra-tissima nostri Redemptoris humanitate, vel de illa cœlestis gloriæ inenarrabili specie, ante dies elabitur quam rei series digeratur. Nunc autem durus et saxeus, dum negotiis jugiter exterioribus attor, in compunctionis intimæ lacrymas non resolvor. Enimvero sæpe manum meo pectori superpono, et animarum medico quasi purulentum vulnus ostendo, clamitans, et intima supplicatione vociferans: Qui cavernas, inquam, tartareas divinitatis tuæ radiis illustrasti, cordis hujus tenebras dimove, ac veritatis tuæ luce serenus infulge. Sed clamanti secus viam cæco Jesus aliquando stat (*Matth. x*; *Luc. xviii.*), lumenque reformat; aliquando pertransit, tanquam desidiose clamantem non audiat; sieque miser cæcus in sua nihilominus cæcitatem perdurat. Ego, ego, proh dolor! tanquam alter Samson (*Judic. xvi*) septiformis Spiritus sancti dona, quasi septem crines, amisisse me defleo; et effossis oculis non frontis, sed cordis, curarum sæcularium molam volvo. Ego ille Sedechias; cui rex Babylonicus prius filios interficiens, bonorum operum fructus abstulit (*IV Reg. xxv*): postmodum oculos eruit, dum contemplationis intimæ luce privavit. Si igitur sanctus ille vir, Silvanus scilicet, propter solam corporis incommoditatem non cunctatus est dimittere Thraciam: cur ego non deseram pro cavendis tot animæ vulneribus Romam? Quantquam et ipsi corpori meo non sit prorsus innoxia, utpote ferax febrium nec vagarum. Unde et tetristichon hoc olim protulisse me memini:

## VERSUS DE ROMA.

Roma vorax hominum, domat ardua colla virorum:  
Roma ferax febrium, necis est uberrima frugum.  
Romanæ febres stabili sunt jure fideles.  
Quem semel invadunt, vix a vivente recedunt.  
Animæ igitur, simul et corporis adversitate detentus, revertatur fugitivus ad dominum suum, spretis porcis, et siliquis, ad patris osculum filius reddeat (*Luc. xv*): ad vires Samson pristinas, capillis renascentibus, incalescat (*Judic. xvi*), qua-

tenuis stolam primam, quam amiserat, induat, et victores suos reparatis viribus sternat.

## CAPUT VI.

*De simoniaco episcopo, qui non poterat nominare Spiritum sanctum.*

Interea illud etiam, quod Hildebrando Romanæ Ecclesiæ archidiacono referente didicimus, **431** his inserere operæ pretium judicamus. Nam cum adhuc subdiaconatus dunlaxat fungeretur officio, a Victore papa apocrisiarius ad Gallias destinatus, synodus congregavit, in qua videlicet sex episcopos diversis criminibus involutos, ex apostolicæ sedis auctoritate depositi; inter quos quidam erat episcopus, qui quoniam per simoniacam hæresim ad episcopatus culmen irrepserat, Spiritum sanctum verbis exprimere, quibuscumque tentaret nisibus, non valebat. Et quidem Patrem et Filium expedite satis, ac facile proferebat; ad Spiritum vero sanctum cum pervenisset, mox lingua balbutiens tandem rigida remanebat. Merito siquidem Spiritum sanctum dum emit, amisit; ut qui exclusus erat ab anima, procul esset etiam consequenter a lingua. Hac igitur difficultate convictus, episcopale decarceravit officium. Sed absit ut hunc sanctorum virorum catalogo dignum judicem, qui pro Christi amore pontificales insulas dimiserunt.

Porro autem, quia prudentissimi illius viri semel incidit mentio, aliud etiam insigne quod retulit, etiam si non magnopere ad propositum thema pertineat, non silebo. Nam dum de prædiis Ecclesiarum injuste possessis, sub præsentiae vestræ conspectu, venerande papa, in Aretina concionaretur Ecclesia, intulit congruenter exemplum: In Teutonicis, inquit, paribus comes quidam dives ac præpotens, sed quod in illo hominum ordine prodigium est reperiri, bonæ opinionis; et innocentis vitæ, prout humanum erat de ejus aestimatione judicium, ante decennium fere defunctus est. Post ejus obitum quidam religiosus vir per spiritum ad inferna descendit; præfatumque comitem in supremo gradu ejusdam scalæ positum vidit. Aiebat namque, quia scala illa inter stridentes et crepitantis ultrices incendi flamas videbatur erecta, atque ad suscipiendos omnes, qui ex eadem comitum genealogia descenderent, constituta. Erat autem tetrum chaos, et immane barathrum infinite patens, atque in profunda demersum, unde scala producta surgebat. Hoc igitur ordine succendentium sibimet series texebatur, ut cum quis eorum novus accederet, primum interim scalæ gradum teneret, is autem qui illic repertus erat, alii omnes ad proximorum sibi graduum ima descenderent. Cumque alii atque alii ex eodem genere homines post carnis obitum ad præfatam scalam per temporum intervalla confluenter, alii protinus cedentes inevitabilis necessitate judicii ad inferiora migrabant. Plane dum vir qui hæc contemplabatur, causam hujus horrendæ damnationis inquireret, et præsertim cur ille comes sui temporis puniretur, qui tam juste, tam decenter,

A iam honeste vixisset, audivit: Quia propter quamdam prædii possessionem Metensis Ecclesiæ, quam beato Stephano proavus ejus abstulerat, cui videlicet iste jam decimus in hereditate successit, omnes isti non diverso supplicio deputati sunt; et sicut eos ad peccandum non dispar avaritiæ culpa conjunxit, ita nihilominus ad perferendas atrocis poenas incendii commune supplicium copulavit.

Hoc ecclesiastici juris injusti possessores adver-  
tant **432** et subtiliter caveant, ne dum se redditibus satiant alienis, edaces postmodum flamas depascant medullis suis. Quia igitur nos non tam districtæ scribentium regulæ quam ædificationi fraternæ cupimus deservire, rem velut ab intentione propositi operis extraneam apposuimus; ut quodammodo fluctuagum quid, ne oblivio funditus rapere, styli funiculo stringeremus. Nam cum quis piscaturus egreditur, si casus attulerit feram repente vel volucrem, capit, etiamsi nil de venatione, vel aucupio proposuerit. Præterea, ut nostris asser-  
tionibus etiam evangelica non desit auctoritas, Salvator noster cum domum principis synagogæ, filiam ejus resuscitatus aggreditur, mulieri fluxum sanguinis patienti (*Matth. ix*), velut absque ea quam cœperat, intentione medetur. Quid igitur mirum, si scribentes aliquando quod cœptum est intermittimus, nec omittimus; illud videlicet inse-  
rentes, quod nihilominus ad ædificationem pertinere sentimus? Quanquam et hoc a nostro proposito non abhorreat, quia si ille propter unam Ecclesiæ pos-  
sessiunculam periit; quid de illo sentiendum est,  
qui sub nomine episcopi totam Ecclesiam, cum in-  
digne præsideat, non dimituit? Jam itaque post di-  
verticulum, ad propositum revertamur.

Quid etiam de beato Milesio martyre in Tripartita referatur historia non silebo; quod nimis, ut uberiorem legentibus præbeat fidem, eosdem apices stylī currentis apponam. Tunc etiam, ait, episcopus, Milesius nomine, martyrio coronatus est. Qui pri-  
mum quidem militabat apud Persas, postea vero relieta militia, conversationem zelatus est aposto-  
licam. Dicitur enim, quia dum in civitate Persica episcopus fuerit ordinatus, multa sæpe sit passus,  
et plagatus, atque tractus, sed virili mente cuncta sustinuit. Cumque nulli potuisset illic suadere ut

D Christianus fieret, graviter serens, maledixit civi-  
tati, et exinde discessit. Post paucum vero tempus  
primatibus ejusdem loci in regem peccantibus, su-  
perveniens exercitus cum trecentis elephantiis civi-  
tatem subvertit, et velut desolatam regionem aran-  
tes seminibus tradiderunt. Milesius autem episcopus  
solummodo peram circumferens quæ sacrum codi-  
cem evangeliorum habebat, perrexit orationem fa-  
cturus ad Hierosolymam, et inde in Ægyptum, ut  
videret monachos ibidem conversantes. Qualis igitur  
iste sanctus, et miraculorum fuerit operator, Syri  
sunt testes qui ejus actus vitamque scripserunt.  
Ecce hic, qui commissi regiminis jura posposuit,  
non modo nullum reatus crimen incurrit, ultre

etiam ut miraculorum virtutes operaretur obtinuit. A episcopatus non me minus exhortatus est verbo quam provocabat exemplo.

## CAPUT VII.

*De Arnulpho Metensi episcopo.*

Sane dum historiarum latitudinem tanquam cœli faciem curioso perlustramus intuitu, beatus Arnulphus, Ecclesiae videlicet Metensis episcopus, velut aureum nobis sidus occurrit; qui et ignorantiae nostræ tenebras per exempli sui radios abigit, et nostris allegationibus inexpugnabiliter 433 robur attribuit, atque omnem super hoc capitulo nodum dubietatis absolvit. Hic profecto, sicut veridica fratrum relatione didicimus, qui descriptam ejus se lectitasse testantur historiam, in Lotharico regno non procul a Flandria, ducatus gerebat officium. Hic præterea Pippini pater, et Caroli magni regum avus fuit. Cumque divini Spiritus ardore succensus, uxoris affectus filiorumque postponeret, ac mundanæ gloriæ pompas glorifica Christi paupertate mutaret, ad eremum properans, contigit ut per fluvium, qui Mosella dicitur, transitum viator haberet. Sed cum jam medium fere superjecti pontis attingeret, ubi torrentis alveus profundior decurrerat, illic annulum suum sub hac foederis conditione projectit. Cum ego, inquit, annulum hunc recepero de spumosis fluctibus erutum, tunc me procul dubio confidam omnium peccatorum meorum nexibus absolutum; moxque eremum petiit, nisi non parvo tempore sibi ac mundo mortuus vixit. Interea, defuncto, qui tunc fuerat, Ecclesiae Metensis antistite, beatum Arnulphum ad pastoralis jura regiminis dispensatio divina provexit; dumque esu carnium, prout in eremo desueverat, in Ecclesia nihilominus abstineret, piscis aliquando sibi elatus est in xenium, quem coquus exenterans, in ilibus ejus annulum reperit, cumque mox domino suo lætabundus offerre curavit. Quem beatus episcopus ut aspexit, illico recognovit: et non tam vibrantis metalli miratus est venam, quam quia propitiatione divina reatus cui consecutus est veniam; quodque vim admirationis exaggerat, bidui iter est a ponte unde projectus est annulus usque ad locum ubi piscis venerabili fuit episcopo præsentatus. Tunc vir Dei quo a peccatis est absolutus, hinc magis est sub divino terrore constrictus: et eo se arbitratur amplius debitorem, quo circa se videt majorem supernæ clementiæ bonitatem. Eligens igitur sibi met successorem, rursus eremum petiit, ibique pastorali cura deposita, usque ad felicem obitum vixit. Insignis itaque vir quod fecit, nos utique ut faceremus edocuit.

Præterea vix adhuc quindecim emensi sunt dies, ex quo vidi Arnulphum venerabilem virum sponte sua ecclesiastici regiminis administratione nudatum. In cisterna siquidem Apula civitate cathedram obtinuerat, quam reliquit, ac duobus ferreis circulis non parvi ponderis pectus, ventremque constrinxit, quibus affligi fere iam a septennio non cessavit; vino vel nunquam, vel raro utitur, crebris quoque jejuniis maceratur. Hic tantus vir ad abrenuntiationem

B porro autem Hildulphus Treverensis archiepiscopus, quantæ sanctitatis, quamque mirificæ vitæ vir fuit, spacio Occidens non ignorat. Qui nimurum, ut gestorum illius testatur historia, Jacob Leuchæ urbis, quæ nunc Tullus vocatur, obsecravit episcopum, ut sibi congruum ad habitandum provideret solitudinis locum. Prius itaque sibi successorem elegit, deinde monasterium construens, per monasticæ disciplinæ linam districtus incessit. Ubi nimurum tot per eum facta miracula luce clarius 434 perhibent, quia vir domini episcopatum dimittens, non modo reatus maculam non incurrit, verum etiam Deo suavitatis sacrificium obtulit.

Quid referam Deodatum supernæ sanctitatis virum, ejusdem scilicet Ecclesiae Treverensis episcopum? Quia, sicut authentica tradit historia, a Giraldo ejusdem Leuchæ sanctissimo præsule in saltu Vosagi locum obtinuit, in quo renuntians sæculo, laudabiliter conversatus, monasteria statuit atque post diutinam in Christi agone militiam vitæ senatum laureatus intravit.

C Quid Gondebertum, præclarissimum videlicet archiepiscopum Senonum? Hic plane cœlesti desiderio æstuans, comissionem dimisit Ecclesiam, et in loco qui Grandiavum dicitur cœnobium Senonense construxit, quod scilicet ex relicta Ecclesiae vocabulo denominavit. Decreveram quidem vicenarium non excedere numerum, sed quod præ oculis est, latere non patior.

D Postremo igitur, ut omissis cæteris, ad domesticum recurramus exemplum. Lambertus veneranda memoriæ, qui ante vos Florentinæ præsul Ecclesiae tertius præfuit, spreto pontificatus officio, monasticæ disciplinæ subjicit. Cujus nimurum quam splendida fama ora hominum compleat, quam suavis odor opinionis mentium nares aspergat, vestræ quoque beatitudinis sublimitas non ignorat.

Beatus quoque Nonnus martyr, qui et Hippolytus, memoriæ nostræ non prætereundus occurrit. Qui nimurum postquam triginta millia Saracenorum ad Christi fidem efficacissima prædicatione convertit, postquam beatam quoque Pelagiam de lupanaribus ad Ecclesiae pudicitiam provocavit, postquam denique nonnullos sanctorum expositionum libros luculentiter explicuit, tandem episcopatum deseruit; de Antiochenis partibus, unde erat oriundus, abscessit, Romanos fines appetiit. Cumque beata Aurea apud Ostiam ciuitatem, saxo cervicibus alligato, in mariis fluctibus martyrium consummasset, B. Nonnus sanctum cadaver p/a devotione collegit, et cum omni diligentia tumulavit. Quem mox idem persecutor, qui dicebatur Ulpius, iuxta Tiberis alveum in foveam aquis plenam mergi præcepit, cujus postmodum corpus, consummato triumphali martyrio, in civitate quæ Portus dicitur Christiana devotio sepelivit. Illico audita est vox, velut infantum, pèr unam fere horam clamantium, *Deo gratias*. Qui ergo talem vite

meruit clausulam, liquido patuit, quia episcopatum dum me pariter verberarent. Ut sciatis autem quia non mentior, perendie hora sexta de hoc sèculo migraturus sum.

Nostris quoque temporibus Pennensis episcopus pontificalem cathedralm sponte deseruit, seseque illi qui sibi successit sincera admodum devotione substravit. Nam et ipse mihi successor ejus retulit, tanta illum sibi met obedientia et humilitate subiectum, ac si se nunquam nieminebat super aliquos obtinuisse primatum.

Nostra nihilominus ætate Liutulphus Callensis episcopus episcopali se dignitate dejecit, successori, qui nunc superest; Ecclesiam tradidit; sicque sibi, si tamen non desuit animus, liberam facultatem ad agendum pœnitentiam **435** procuravit. Felix scilicet illè, qui sic conditionem vitæ suæ in hac mortalitate disponit, ut ei liceat pœnitendo plangere quod deliquit. Felix, inquam, qui procul a se providus abjicit quidquid illud est quod in viam sibi veritatis obsistit. Quidquid enim in hac vita commisimus, aut hic juxta peccati mensuram per flagella corrigitur, aut futuris procul dubio suppliciis reservatur.

#### CAPUT VIII.

*De converso, qui a SS. Andrea et Gregorio verberatus est.*

Quocirca non abs re est, si quod fida fratrum relatione cognovimus, hic etiam breviter inseramus. In monasterio namque, quod Clivus Scauri dicitur, quodque beatus Gregorius infra Romanæ urbis mœnia condidit, puer quidam a parentibus, ut Deo deinceps militaret, oblatus est. Qui postmodum cum iam adolesceret, de monasterio egressus ad sèculum rediit, uxoremque sibi nuptiali fœdere copulavit: deinde cum jam ad juvenilem pervenisset ætatem, divina sententia repente est pœcussus in gutture, cœpitque ingravescere languoris molestia morti propinquare: tandem male fugitus, ut ad monasterium reportaretur, expetiit; ibique pœnitudinem de suis pravitatibus, habituque monachatus accepit. Cumque uxor ejus cum nonnullis aliis lecto jacentis assisteret, cœpit ille graviter gemere, ululatus emittere; et tanquam phrenesim pateretur, inordinata vociferatione garrire. Percunctantibus autem eis, cur non ille quiesceret: Nonne, inquit, cernitis beatum Andream apostolum, sanctumque Gregorium acerrimis me suis verberibus unanimiter flagellantes? Ululans itaque rursus, ac flebiles voces emittens, paululum respirabat, atque dicebat: Modo me verberaverunt, propterea quia monasterium dimisi uxoremque suscepi. Iterumque post fletus atque rugitus, ad momentum quiescens, aiebat: Modo ne castigaverunt, quia pauperibus mendicantibus, maximeque Scotigenis; non modo nihil dedi, sed eos etiam, quod flagitosum est, frequenter irrigi. Rurus ingeminans stridores et gemitus, asserebat quoniam sex nummos a quadam vidua paupercula mutuos accepi, et reddere nolui; quot pedum passibus illa laboravil, dum eos ad me veniendo requireret, tot ergo nunc iectus de sanctorum manibus pertuli,

Erat porro tunc sexta feria; nocte vero, qua Dominicus illucescebat dies, qui dicitur de Ramis palmarum, de lecto, cunctis mirantibus; non segnis exsiliens, scapulare atque cilicium quæ juxta se erant repente corripuit, moxque ecclesiam beati Andreæ attonitus ac festinus intravit: ubi strato compositus, his qui aderant fratribus ait: Ecce sanctorum verberibus flagellatus, ita de corpore purificatus egredior, sicut ex fonte baptismatis mundus exivi. Intermissarum igitur sacrosancta solemnia, Dominica vix passione perfecta, hora **436** qua prædixerat, Deo spiritum reddidit. Nudato autem ad lavandum ex more cadavere, sic vibices ac stigmata in ejus membris undique videbantur, ac si corpus ejus materialibus fuisse virgis allisum.

Sed quid mirum, si sancti Dei, qui judicaturi sunt mundum, in homine qui rationis erat capax, inseculi sunt culpam, quandoquidem et de bruto animali, ut ibidem didicimus, expetiere vindictam? Nam in eodem monasterio crypta est, quæ B. Gregorii dicitur, ubi videlicet et fons ejus perspicuis ac frigidis redundant aquis, unde bibebat, et lapideum cubile adhuc cernitur, ubi æstivo tempore quiescebat. Quam aliquando cryptam prægnans canicula casu ingressa est, sive ut æstuans biberet, sive potius ut eo loci parturiret. Sed necedum ad aquas usque pertingens, mox ut præfato lectulo propinquavit, moriens corruit. Quanta ergo formidine pensanda sunt homini divina judicia, quando et in animalia ratione carentia tam terribilem Deus exerit disciplinam? Si enim ne simplicem quidem aquam hujus sancti loci noluit omnipotens Deus ut insòns canicula tangerebat, qua putamus molestia tolerat, cum perversus quilibet ad percipiendum corpus ejus et sanguinem sacris altaris appropinquat? Sed cum pravus quisque Deum reprobis suis actibus exacerbat, et stimulat, non illi protinus irrogat patientia divina vindictam, quem tamen perpetuam reservat ad pœnam.

#### CAPUT IX.

*De Pandulpho et Joanne principibus in inferno damnatis.*

Porro dum styli hujus exaro dictator articulum, ecce Desiderius religiosus Casinensis monasterii abbas accedit. Qui nimimum, sieut beato Danieli cognatione jungitur nominis, sic eum ab illo non separat assertio veritatis. Hic itaque mihi aliquid narrat, quod ipsa ratio persuadet ut scribam. Servus, inquit, Dei Neapolitanæ regionis in prærupta rupe, juxta viam publicam solitarius habitabat. Qui nimimum dum nocturno tempore psalleret, et fenestram cellulæ horarum explorator aperiret, ecce videt multos nigros homines tanquam Æthiopes iter carpere, et longo tractu onustos feno sagmarios comminare. Cumque eos curiosus inquireret, qui essent, cujusque rei gratia hæc jumentorum pabula devectarent: Maligni, inquiunt, spiritus sumus, et paramus non pabula

pecoribus alendis, sed fomenta potius ignium hominibus comburendis. Præstolamur enim in proximo principem Capuae Pandulphum, qui jam decumbit; et Joannem magistrum militum Neapolitanæ civitatis, qui adhuc incolumis vivit. Illico vir Dei præfatum Joannem impiger adiit, quæ viderat quæque audierat fideliter cuncta narravit. Per idem tempus imperator Otto secundus, adversus Saracenos prælaturus, Calabriam festinabat. His igitur auditis, Johannes ait: Modo nos necesse est imperatori reverenter occurrere, et cum eo simul de hujus terræ statu provida consideratione tractare. Porro post imperatoris abscessum spondeo **437** quoniam et sæculum deseram, et monachi ordinis habitum sumam.

Ut autem probaret utrum verum esset quod ille narrabat, nuntium protinus ad mœnia Capuana dixit, qui veniens Pandulphum jam mortuum reperit. Ipse quoque magister militum Johannes, antequam illas partes imperator attingeret, vix diebus quindecim supervixit. Quo mortuo mons Vesuvius, unde videlicet gehenna frequenter eructat, in flamas erupit; ut liquido probaretur quia fenum quod a dæmonibus parabatur, nil aliud fuit nisi ignis trucis incendii, qui pravis ac reprobis hominibus debebatur. Nam quandocunque in illis partibus reprobus dives moritur, ignis erumpere de prædicto monte videtur, tantaque sulphureæ resinæ congeries ex ipso Vesuvio protinus fluit, ut torrentem faciat, atque decurrente impetu in mare descendat. Ubi scilicet corporaliter videri potest, quod in Apocalysi Joannis de reprobis dicitur: «Quia pars illorum erit in stagno ardenti igne, et sulphure, quod est mors secunda (Apoc. xix, 20).»

Enimvero et Salernitanus princeps illius videlicet Guaimarii æque principis, qui ante non plurimos annos pro multis violentiis atque tyrannicis oppressionibus suorum gladiis interemptus est, avus, cum procul aspexisset quadam die de prædicto monte Vesuvio piceas atque sulphureas repente flamas erumpere, protinus ait: Procul dubio sceleratus aliquis dives in proximo moriturus est atque ad inferos descensurus. Sed, o cæca mens reprobi hominis, imo terribile super nos judicium Conditoris! superveniente siquidem proxima nocte, dum securus cum meretrice concumberet, expiravit. Quem illa, ut postmodum referebat, quid contingisset ignorans, diutius pertulit, et vix tandem a se non hominem, sed cadaver exanime prostituta, dejecit.

#### CAPUT X.

##### *De presbytero qui in Vesuvio monte periiit.*

Quidam præterea in Neapolitanis partibus presbyter-volens certius, quod non licebat, addiscere, illuc, ubi gehennale barathrum serventius erat, præsumptoria decrevit audacia propinquare. Missarum igitur solemnia celebravit, sicque infensus, velut armatus, iter arripuit: sed dum ultra quam solebant homines temerarius accessit, redire non valens postmodum non apparuit.

Alius quoque presbyter matrem suam Beneventi reliquerat ægrotantem, cumque per Neapolitanos fines domino suo comitatum præberet, exundantibus flammis intendens, clamorem lugentis audivit, quem suæ matris esse procul dubio recognovit. Notavit horam, et tunc evidentissime comperit matrem luisse defunctam.

Ut igitur ad superiora redeamus, sufficiat jam his duodenos sanctos enumerasse pontifices, qui divini amoris igne ferventes ab ecclesiastica decreverunt administratione desistere, ut terrenis actibus expediti, Deo possent arctius atque familiarius inhærere. Hi nimur venerandi **438** præsules, tanquam revera viginti quatuor seniores, procidunt ante Sedentem in throno, et adorant viventem in sæcula sæculorum, mittentes coronas suas ante thronum Domini (Apoc. iv). Coronas nempe suas ante Domini thronum mittunt, dum ornamenta propriæ dignitatis pro ejus amore deponunt. Ad eorum quoque similitudinem phialas aureas habent plenas odoramentorum, quæ sunt orationes sanctorum; quia, ut puriores Deo valeant orationes in odore suavitatis offerre, cunctis se mundi hujus student actibus segregare.

Planè nisi longioris styli fastidium devitarem, beatum quoque Athanasium his non inconvenienter apponem. Qui videlicet sub-Ariano rege Constantio Ecclesiam deferens, ergastulo se cujusdam sanctæ mulieris immersit, ibique geminato triennio, præter cohabitricem suam, cunctis ignotus mortalibus latuit. Poteram et beatissimum his coenumbrare Martinum; qui jus episcopalis officii-velut ex quadam parte deseruit, dum tribus fere lustris ante obitum suum, ut Deo familiarius viveret, a conciliis se synodalibus funditus absentavit.

Beatum quoque Gaudiosum non incongrue superadderem, qui dum Abitunensis Ecclesiae, quæ videlicet Africanae diœcesis est, cathedram obtineret, Wandalis Africam devastantibus, cum S. Quodvultdeo ac cæteris præsulibus fugit, et in Parthenope civitate monasterium condidit. Si ergo ille fugit ut Wandalorum evaderet gladios, quanto magis ego laqueos æternæ mortis effugere debo?

Sergius etiam metropolita Damasci non inconvenienter his posset annecti, qui Ecclesiam suam pro Christi amore deseruit, et Romain peregrinus advenit; reperiensque beatorum Bonifacii et Alexii basilicam sacerdotib[us] pene officiis destitutam, Benedictum Romanæ sedis antistitem adiit, atque ut se monasteriale ibi permetteret regulam constitueret, precibus impetravit. Ubi nimur longo post tempore religiose degens vitam finivit.

Beatus quoque Gregorius, sicut in registri ejus reperitur Historia, tribus episcopis primæ scilicet Justinianæ, Ariminensi, et tertio cùdam pro sola capitis ægritudine, suas deserendi Ecclesias liberam facultatem dedit eisque reservato de relictis Ecclesiis necessariō stipendio, successores substituere non negavit. Quod videlicet qui epistolas Anatolio Constantinopolitano subdiacono, Mariniano Raven-

natus atque Aetherio, episcopis missas legerit, dubitare non poterit.

## CAPUT XI.

*De tribus aliis episcopis Ecclesias suas itidem deserentibus.*

Ecce dum illis viginti quatuor episcopis, quos superius enumeravimus, tres istos, qui auctore B. Gregorio, suas dimiserunt Ecclesias, copulamus: beatos præterea Gaudiosum atque Quodvultdeum, Sergium quoque Damascenum metropolitam his omnibus superaddimus, triginta procul dubio, qui pro divino amore suis renuntiaverunt sedibus, episcopos 439 invenimus. Dicat mihi perscrutator veterum, dicat historiarum, vel annalium quilibet indagator, tot sanctis patribus pastolarem custodiām deserentibus quis unquam apostolicæ sedis pontifex obstitit? Quis eorum quemlibet vel per legationis apices reprehendit, vel per synodalem sententiam condemnavit? Dicat, inquam, vel cum nullatenus possit invenire quid asserat, procacem linguam suam dentibus mordeat, non me injustis detractionibus rodat.

An non et minor Benedictus papa (12), quem supra retulimus, apostolici se culminis administratione privavit, successoremque sibi Gregorium (13); qui Gratianus dicebatur, in Romana sede constituit? Super quibus præsente Henrico imperatore, cum disceptaret postmodum synodale concilium, quia venalitas intervenerat, depositus est qui suscepit; non excommunicatus est qui deseruit.

Porro autem et B. Benedictum instar magni eiusdem pontificis, possumus ad exemplum imitacionis inducere, qui videlicet commissum non ambigitur regimen dimisisse.

Leo quoque Nonantulanus abbas ad memoriam rediit, qui dum clericalem adhuc speciem gereret, jamque devotione peracta, ab Hierosolymis remeasset, sic vitam suam instituit, ut nil aliud præter unum duntaxat a sinum possideret. Cum hoc quotidie saltus, et pascua circumquaque perlustrans, materias congerebat, quibus ad iequisita naturæ necessaria fratribus anitergia ministraret. Peracto itaque glorifice hujusmodi opere manum, psalterioque cum ipsa simul exercitatione decurso, protinus ad offerenda Deo sacra mysteria non sine

A multis lacrymis sanctus presbyter accedebat. Postmodum vero ad monasterii regimen violenter attractus, aiebat, (quod infelix frequenter et ipse deploro) Jesum, inquiens, per pedes tenui, et nunc miser et cæcus sæculi molas volvo. Vixque peracto biennio, in manu Ottonis, qui tunc imperii sceptra regebat, pastoralem 440 baculum reddidit: deinde apud sanctum Bonifacium intra Romana mœnia perseverans, ex omni, quod sibi vitæ hujus residuum fuit, nil aliud, quam æternæ vitæ sibi stipendia procuravit. Ad cuius postmodum sepulturam cæcus veniens, luci pristinæ asseritur restitus.

Verum ne copia deficiente pontificum, ad exempla minus congrua convolasse notemur abbatum, ut non diversum nomen apponam, Leo Ravennas B archiepiscopus, mox ut paralysis ejus ora constringit, cathedram sprevit, siveque privatus fere quadriennio supervixit. Cui videlicet Fridericus, tertio Ottone feliciter imperante, successit, eique non inopes, quibus aleretur, possessiones Ecclesiæ delegavit.

Horum igitur, aliorumque Patrum auctoritate suffultus, episcopatu simul et monasteriis in sanctis manibus vestris irretractabiliter abrenuntio, omnique jus a me movendæ in posterum quæstionis ac repetitionis abscondo; et quia pro innumeris peccatis meis non sum dignus in ecclesiastica dignitate persistere, det mihi divina misericordia per sanctas orationes vestras, venerabilis pater, eo ipso vitæ quod restat in luctu et pœnitentia permanere. Confiteor enim, quia criminosis simul et vitiosus ad honorem hunc, et non sine reprehensione perveni, et in eo reprehensibiliter vixi: ideoque mihi tutum visum est, ut ipse me potius sponte depонerem, quam ante tribunal tremendi judicis in conspectu omnium angelorum et hominum, depositionis sententiam sub æterna damnatione subirem. Sed jam ista sufficient: Omnipotens Deus, qui incomprehensibili dispensationis suæ consilio, et me ab obtinendi regiminis ambitione dejecit; et vos ad ecclesiastici culminis summa provexit, sancto cordi vestro cuius est inhabitator, inspiret talia mihi per sacras litteras mandata dirigere, quæ meis votis meisque valeant desideriis concordare.

*Sit nomen Domini benedictum.*

(12) Hujus nominis nonus.

(13) Hujus nominis sextum.

## 441-442 OPUSCULUM VICESIMUM.

## APOLOGETICUS OB DIMISSIONEM EPISCOPATUM.

ARGUMENTUM. — Excusat se B. Petrus Dam. apud pontificem, quod tenuitatis suæ conscius, episcopatu se abdicavit; ne quis autem illi hoc inconstantiae ascriberet (non enim licet semel susceptum deponere regimē), breviter respondet, et multorum Patrum exemplis, qui delato episcopatu uti noluerunt, ostendit magis tutum cepisse consilium tanto onere se levandi: rem præterea arduam, maximeque laboriosam aliis præesse, et episcopatus fungi munere declarat.

Dilectissimis apostolicæ sedis electo, et virga Assur HILDEBRANDO, PETRUS peccator monachus servitatem.

Ferunt, qui in rimandis rerum desudavere natūris, hoc lyncibus naturaliter insitum, quia cum post